

七 藝文

香港大嶼山寶蓮禪寺同戒錄序

釋筏可

世尊成道說法。最後於金河顧命。在雙林鶴樹談常之時。囑諸大弟子曰。汝等當依波羅提木叉。是汝等大師。依此修行。如佛在世無異。所以楞嚴四種清淨明誨。爲修行妙莊嚴路。法華四安樂行。乃成就善行菩薩道。如是攝律儀饒益善法。諸大乘經莫不以戒爲菩提本源。是知受持此一戒者。豈小因緣哉。茲大嶼山之有寶蓮寺傳戒者。乃紀公和尚於民國十三年自鎮江金山寺來駐錫此山。四衆欣然爲之蓋木屋三間曰大茅蓬。從此坐禪接衆。修行辦道。效大徹之家風。苦心孤詣。抖擻精神。二時清粥薄飯。慘淡經營幾十載。聚沙成塔。而三寶殿妙相莊嚴。皆紀老人之力也。民十九戒期完後。紀公以年老告退。時諸山舉不慧以繼斯席。自愧德薄才棉。曷能勝任。辭不獲已。姑負其難。以維現狀。雖然一粥一飯。又不知從何處來。幸佛陀法力。檀那財力。使山門韋馱殿禪堂地藏殿大鐘次第落成。繼續傳戒。然丁茲法運垂秋之際。有情習染熾盛之時。欲得解脫火宅焚燒業累縈纏之苦。捨入我佛陀第一園林清淨地。其誰能離苦得樂者哉。本山自來二載傳戒一期。俾香江環海有志出家之士。得斯耳提面命。我佛最後深慈護念。囑大悲心戒。如大地長養一切諸善根。成就一切諸善果。吾儕相信。此會諸善男子善女人等皆同值善。

本故不畏渡海風波。登山跋涉。同會高山平地。一聽天風海濤。共瞻釋尊毘盧舍那之慈光。此又豈無緣乎。惟願汝等求戒善人。處今日之時代。正好勤習勞動務農生活。在農務中不廢持戒。參禪念佛。五分律云。昔佛在毘舍離城。時世饑饉。生活維艱。諸比丘白佛。若聽我等種植。可以足食。佛言聽許。昔百丈禪師一日不作一日不食。正爲當今佛子好模範。汝等如是一心中。方便勤莊嚴。上報佛恩。下濟有情。始不負今日來山求戒之苦心。若是則深有厚望諸來者也。公元一九五四年秋節後可識於嶼山丈室。

佛法與平等

釋筏可

夏威夷日僑佛教聯合會。在一九五六年十二月八日。舉行一個恭祝釋迦牟尼佛成道紀念大典。柬請中華佛教會同人。先後致意屆時務希蒞臨。以表中西日佛教聯誼合作恭祝。亦卽爲世界性聯誼也。因此我們於是日。偕中華佛教會同人。前往國際電影院。爲臨時慶祝會場。抵達時由日人法師迎入座位。開會時由英人漢特大師。引陪拈香行恭祝禮。是日參加人數二千多衆。異常融洽熱鬧。如四海內外一合相。

我們今日與會國際人士。站在這太平洋上夏威夷檀香山。大家都得到平等自由法治中。安居樂業。有此良辰寶貴機會。得與佛教大衆。及各界親善人士。歡天喜地同來慶祝。那二千五百年前。在印度迦毘羅衛國。淨飯王宮。悉達多太子。生而聖明慈忍。觀衆生苦。犧牲世榮。出家修道。雪嶺餐風。蔬麥充飢。不問

寒暑。因緣時節到來。觀明星出現。大徹大悟。成無上菩提。號釋迦牟尼佛。爲解脫衆生。生老病死苦。本自證無上平等真覺。運無緣平等大悲心。燃着救濟大夜沉沉的明燈。提携引接一切有情衆生平等。咸登覺岸。下面就略爲敘述。佛陀與人接物。平等解脫的真理。

一。生佛平等。怎樣叫做生佛平等呢。生就是衆生。凡含情抱識一切衆生。六道皆名衆生。何名六道。天、人、阿修羅。爲三善道。地獄、鬼、畜生。爲三惡道。因爲他都是隨着其善惡業緣。受種種身。數數轉故。說名衆生。先賢說。鬼神沉幽愁之苦。鳥獸懷猶越之悲。諸天正樂。修羅方瞋。可以整心慮。趣菩提。惟人道能爲。人道處中。凡聖可通。所以諸佛。皆於人道中成等正覺。

二。階級平等。怎樣叫做階級平等呢。那就是印度種族差別。一種階級專制。分爲四個種族。一、婆羅門。此云梵胤。掌其宗教典籍。祭禮祈禱的專權。二、刹帝利。此云王種貴族。掌國家軍政的大權。三、毘舍。此云商農。此三是亞利安人。四、首陀。此是奴役卑下的人。永遠沒有機會參加宗教軍政的權益。只有畢生做奴役。胼手胝足。聚落另外別開住處。世代傳習奴役工作。

釋迦牟尼。首先唱導。四、河入海。同一鹹味。四姓出家。同名釋子。人類苦樂賢愚的報感是業。精神的安慰歸宿只有一個道理。因是而說。是法平等。無有高下。佛陀從降生出家成道說法。爲命衆生還復這個平等自在真理。雖爲人天師。常與比丘僧衆。同樣飯食時。著衣持鉢。入舍衛大城乞食。於其城中。次第乞已。

還至本處。所問亦無貴賤貧富之分。大悲益物。爲世福田。隨緣利物。行於等慈。

以六和法爲僧衆團體。同在一起的安居生活。進行無諍三昧。人中最爲第一。一、身和同住。二、口和無爭。三、意和同悅。四、戒和同守。五、見和同解。六、利和同均。釋迦世尊有一期間過夏與五百羅漢比丘。在一石巖坐禪安居。時有勝行長者獻一香菓供佛。佛自將此菓分開片片。分與五百漢羅比丘同時受用。後來的人爲敬仰佛陀這樣等慈分菓同沾故。名其巖曰片片。佛陀在二千五百年前。就有這樣共同和合團體。人類平等相處。道心融洽。卽是佛法在世間。不離世間平等覺。

三、怨親平等。怎樣叫做怨親平等呢。怨的意思。就如被他人惡罵。或痛打。或陷害。因此懷恨在心。名怨。親的意思。就愛念於我。或慇懃奉事。或恭敬供養。因此感情名親。此二如水火不相容。何以相處。佛陀常說。左手刀割。右手塗香。於此二人無有憎愛。平等無二。於往昔修忍辱行時。被歌利王。割截身體。不生瞋恨。安然如故。知一切法無我得成於忍。

菩提薩埵。消除一切魔障。破除一切煩惱。成就無量功德。安慰無量衆生。以大無畏的精神。安忍下去。就履險如平。提婆達多常惱害佛陀。然而佛陀恒慈念提婆達多。佛陀常說。以怨報怨。怨終不已。無爭無怨。其怨自止。自證無上道。以此度衆生。變娑婆爲淨土。轉冤家爲親友。因爲在後五百歲。鬥爭堅固的時期。人類物欲與貪求。瞋忿與殘忍。虛偽與欺騙。我大你小。我強你弱。隨時羅人的火網。粉骨碎身的焦散。安

得世有。昨日夜叉心。今朝菩薩面。夜叉與羅叉。不隔一條線。在這舉心動念一剎那間。化干戈爲玉帛珍寶。變荆棘爲宮殿勝林。這不就是佛說。當平心地。則世界地。一切皆平。

四。師資平等。怎樣叫做師資平等呢。師即調御丈夫天人師。又名接引導師。皆佛陀名號。調解降伏引令歸於正道。故名大導師。弟就弟子。跟隨佛陀出家修道的人。或在家受持奉行皈戒的人。通名弟子。從佛口生。從法化生。得佛法分。名爲佛子。佛陀常說。一切衆生有如來藏。當如父如母。如兄如弟。如姊如妹。如親如友。恒爲利益安樂。生度脫心。息滅惡念。或問。既言平等。爲甚唱言。天上天下。唯我獨尊。答。獨尊這箇田地本來離言說相。卽是真如絕待。佛陀獨證獨到處。所以說。盡思共度量。不能測佛智。一功衆生。照着佛陀的路線修行造道。迎頭趕上。亦得成佛。無二無別。佛陀言。我是已成佛。汝是來成佛。

波斯匿王。有一次請佛及比丘僧。入王宮受供養。佛陀令大比丘僧衆。次第往應供。佛陀自在祇園裏。隨處巡視。各比丘所住寮房。有病比丘呻吟。喊叫的聲浪湧出來。佛陀推開房門入看。見病比丘臥着床。狀甚苦惱。不淨流便。染着衣衫。病者見世尊到。想勉強掙扎起來。佛陀止勿起。而向病比丘言。有人來照顧你們嗎。病者說未有。佛陀又問。同住人有病。你不去照顧他嗎。病者說未有。佛陀慈悲柔和地的音聲說。你們既爲修道而來。共住一處。常應互助則善。佛陀親自爲病比丘。洗潔身體。更換除去不淨的衣衫。使病者調息。然後爲病比丘說法。病者聞法歡喜。心開意解。深感佛陀慈悲垂誨。從此依法進道。釋迦世

尊嘗爲諸弟子說。四姓出家。同爲釋子。應當互助爲道。八福田中。視病福田。最爲第一。

五。自他平等。怎樣叫做自他平等呢。自己一體的身語意業。與他大衆的身語意業。一總檢驗體察。其行爲動作語言清淨不。故名自他平等。諸惡莫作。卽斷一切惡。衆善奉行。卽修一切善。自淨其心意。是爲諸佛教。由此離苦得樂。人天勝福樂。三乘菩提涅槃樂。戒律有軌範三業。離諸過患。生善滅惡。勝淨因緣。因戒生定。因定發慧。三無漏學。以戒爲先。人天三乘共稟。所以說。毘尼住世。佛法得住世。佛陀嘗教誡嚴謹諸弟子。三業清淨。能得解脫。

釋迦世尊一時作如是說。告比丘大衆言。汝等從來。於如來身語意業。看見有怎樣過失呢。於是大衆同白佛陀言。我等從昔已來於今。然而觀見如來身語意業清淨。乃至無有如毛塵許的過失。正是明如日月燈。一任有目者睹。最勝業徧知。色無礙自在。救世大悲者。自證無我。教人無我。自行清淨。教人清淨。這不就是佛陀表現自他平等。同行同趣的眞實道。

僑薩羅國有大惡人。名央掘摩羅。受邪師所惑。要殺千人取指爲爲鬘。匿王軍兵追捕亦無奈他何。一日見其母來欲殺之。佛陀大悲心卽行在其前。央掘摩羅乃棄母向佛追去。佛陀徐步而行。央掘摩羅猛力追亦不及。乃喚曰。瞿曇且住。瞿曇卽釋尊姓佛陀告言。央掘摩羅。吾住久已。然而汝是不住。央掘摩羅聞佛所說疑念。問曰。云何是你久住我不住呢。佛卽對央掘摩羅言。我是正等覺。常住淨戒故。汝是邪惡行。以是

爲不住。央掘摩羅聞佛所說法。如雷貫耳。與佛抵抗之念。到此力屈心轉摧伏。歸投大覺世尊。伏地懺悔。佛復對央掘摩羅說。如他己不異。如己他亦然。恕己可爲喻。勿殺勿教殺。央掘摩羅從此處就放下屠刀。便歸正道。

六。結上來所講。都是略爲敘述釋尊應世度生爲衆生解黏去縛。愛護人羣等如一子。爲衆生說法教化。轉邪歸正。轉凡入聖。佛法在世間。不離世間覺。世間行法等。卽如佛法等。美利堅林肯總統。解放黑人得到同一平等自由。孫總理建國廢除不平等條約。就是爲世界民族履行平等基地。因爲世界大同就是衆生平等。猶憶民國十年的期間。孫總理帥府廣州時。與胡漢民諸先生出巡西江。遊鼎湖山寺書留一聯曰。『一切有情。衆生平等。』總理於山林宴息字裏行間。猶流露其平等風度理念與暢明佛理平等。深望國際社會時代賢明人士。及佛教同仁。人同此心。心同此理。展揚愛護這平等真義康莊大道。繼往開來。東西南北地球人類。一切有情。衆生平等。彼此和平相處。用是莊嚴人間樂園幸福。

遊寶蓮寺排律

莊子才

癸巳歲三秋。霜高白露寒。我遊寶蓮寺。寺在大嶼山。青巒五六里。一路水潺湲。漸至耳目曠。遺世出塵寰。直向山上望。山高入雲端。少憩幽篁裏。不聞人世喧。再行六七里。饑渴力疲殫。忽覩觀音洞。門外聞香檀。旣登般若門。侍者供晚飯。住僧因舊識。名字曰海珊。卽海山法師久別喜相逢。共話到更瀾。信宿復前行。

紆徊過石磬。回首山門望。松蔭多綠竿。上徑路險峻。下臨不測灣。目眩手足掉。未敢俯首看。徐行且驚恐。身心強自安。前一斜蹬路。欲上多苦艱。却顧所來徑。交流水聲潺。須臾登上塹。隱隱見禪關。高山一平地。豁然眼界寬。置身天際外。極山海大觀。樹林深密處。寶蓮現其間。莊嚴清淨地。人見盡歡顏。四野真廣大。上介兩峯巒。往往白雲過。長期霧漫漫。此山名鳳凰。處所非人寰。高若與天齊。豈我能援攀。彼山云彌勒。欲上亦嫌難。玩水誠多趣。遊詩不厭刪。濯足冷泉下。試茶白石磬。搖竹清風至。看花每憑欄。名勝與異跡。周覽更倍歡。一遊三晝夜。回顧尙盤桓。我本山中人。誤爲世網欄。終朝忙到晚。人事百千般。早歲多勤苦。至此形骸殘。今來知有路。始覺離憂患。靜心觀定水。清淨水無瀾。禪僧與詩客。論道出世間。以此都了義。外緣不能干。從此山水遊。心寬歲月閒。

夜探鳳凰行

僉二

鳳山凹。鳳山凹。鳳凰山頂觀出日。庸社旅羣途。舉行方第一。先入寶蓮寺。拜謁筏可師。小尼山茶獻。暢叙暮弗知。齋罷宿鐘樓。窗含月色瘦。羅漢有奇床。可容六十友。更深擾攘喧。通宵無間斷。五更卽起程。戴月弗知倦。電炬映山窟。馬交燈火密。鳥道太崎嶇。怪石何突兀。懸崖又峭壁。驚險窮人力。忽然岩石墜。同儕幾受擊。歷盡千辛苦。安然造其極。鳳嶺已登臨。鳳峰達目的。女道亦同羣。稽首朝聖佛。一聲阿彌陀。般若波羅密。天葵產山谷。價值比金玉。瞪目神州府。嵐光繞半麓。白日起高空。歸途有徑踪。合影留紀念。羣體

盡雍容。下路經山背。一步一徘徊。坐行膝下黑。淤泥染草灰。興盡又回還。已過萬重山。古刹留客步。僧衆臨午壇。積厨藥根香。情定覺其馥。行列別山門。合十禮何肅。昔由昂平別。鹿湖靜室列。薑山有靈隱。飛瀑聲無歇。鹽田似棋局。大澳雲煙合。呼棹渡海心。那知船去速。霄漢雁長鳴。驛邸作居停。漁家海鮮美。同道把樽傾。酒籌分南北。諸天宴彌勒。扶醉泛仙槎。醒來已辰刻。翌日無所事。遊程且記之。筆拙塗鴉慣。惟恨讀書遲。

乙未秋遊鳳凰山觀日出夜宿寶蓮寺用東坡清虛韻以紀之

李啓

唐衢車馬厭風沙。清遊舟艤東涌衙。溪岩雲鎖紅藥院。霜重秋深黃菊花。荒煙廿里迷古徑。疏鐘幾杵尋山家。躑躅野店駭吠犬。稻穗落葉無棲鴉。禪門信宿供齋飯。詩僧妙諦飄仙葩。諸公觀日夜半起。呼僮伺月高崖爬。棧石嵯峨艱杖履。絕頂席坐羅酒茶。日匿初疑后羿射。風急若鼓彌衡撾。俄頃朱輪湧波出。奇麗金光驚咨嗟。重來還愁滄海變。悟徹世事皆朝霞。

大嶼山昂平八景

鳳嶺朝暾 一

智 照

犯霜凌露步峻嶒。爲看扶桑浴日情。忽報紅霞見天際。洪濤遙湧一輪昇。

又

梁隱龔

峯尖嶺脊石峻嶒。道是痴頑却有情。爭與羣龍齊點首。金光萬縷日輪昇。

又

李啓

蒼崕峻阪石峻嶒。上接雲霄萬古情。拂曉光華生萬象。風濤瀕洞日東昇。

鐘樓夕照 二

智照

小樓獨立倚羣峰。不斷傳來向晚鐘。最愛斜陽饒美景。餘霞燒得半天紅。

又

梁隱齋

小樓般若對雙峰。十里悠揚殿角鐘。一卷彌陀經課罷。琉璃燈映晚霞紅。

又

李啓

路轉亭幽萬仞峰。伽藍高處聽霜鐘。柴扉半掩行人急。路靄蒼茫夕照紅。

山藏石鼓 三

智照

媧皇煉就有餘材。林下山隈置一坯。圓外中通渾似鼓。撾來隱隱走風雷。

又

梁隱齋

玄黃戰後此遺材。化石長埋土一坯。最是晦明風雨夜。聲傳萬壑隱輕雷。

又

李啓

五丁揭地搜奇材。留此崇阿石一坯。戰火已銷休伐鼓。漁陽不使動雲雷。

巖鎖清溪 四

智照

溪邊密樹布濃陰。野果山花綴上林。更有一般幽絕處。湍流擊石似鳴琴。

又

梁隱庵

流泉幽咽出岩陰。綠滿青溪花滿林。日午風微雲影淡。誰家高士撫瑤琴。

又

李啓

乍聽禽啼轉綠陰。雲岩深處看溪林。似來金姥橋頭立。下有幽人彈古琴。

石現蓮花 五

智照

亭亭玉立有清香。化石尤稱獨擅場。瓣萼分明工鬼斧。逗將遊客興偏長。

又

梁隱庵

何年摩詰散花香。種得蓮華傍道場。石蕊雲根山作砑。靈風法雨佛心長。

又

李啓

蓮花隱隱散幽香。山嶽鍾靈建佛場。浩劫須彌成幻相。點頭頑石意偏長。

雲封窄堵 六

智照

初看出岫淡如煙。漸覺羣峯盡裏綿。舉目忽驚雙塔失。又分雲葉過前阡。

又

梁隱盒

乍疑濃霧乍輕煙。薄似冰綃密似綿。天半華嚴不可卽。金剛隱約現南阡。

又

李啓

寶樹樓臺隔野煙。九洲幻入兜羅綿。法華舍利歸何許。塔影雲封在遠阡。

僧歸攝度 七

智照

登樓一望雨飄蕭。向晚僧歸攝度橋。背負僂僂宜入畫。生花妙筆愧難描。

又

梁隱盒

鹿湖古道晚蕭蕭。樹影斜陽度小橋。荷担如來歸去也。黃金如海畫難描。

又

李啓

黃金翠岫景蕭蕭。斜照僧歸過小橋。最是芒鞋行脚處。天開圖畫獨難描。

樵過覺蓮 八

智照

繩索鎌刀荷一肩。樵蘇人指鳳凰巔。恍似軍旅趨前敵。破曉衝寒過覺蓮。

又

梁隱盒

荷笠提筐笑拍肩。朝朝採藥翠微巔。覺蓮苑畔雲遮徑。好聽鐘聲認寶蓮。

又

李啓

落木千山採一肩。朝曦樵子陟峰巔。遊人若有看行色。且自寶蓮過覺蓮。

乙未冬遊寶蓮寺留別

梁隱齋

昨夜初更叩佛門。今晨破曉望朝暾。勞人亦有清閒福。欲向名山拾慧根。

其二

佛光寶相接明霞。葉葉紅蓮朵朵花。向覺背塵新合掌。從今莫種故侯瓜。

其三

度我初登攝度橋。無明煩惱此時消。獨憐回首高原上。颯颯霜風草木凋。

其四

塵心何住去何年。彌勒山頭大帽巔。未許頓觀菩薩地。先從文字結因緣。

遊鳳凰山夜宿寶蓮寺

梁秀馨

更深佛殿拜如來。肯度凡夫知見開。煩惱心依清淨地。修羅場隔妙高臺。金剛窟裏音常住。指月樓中影自回。一夢拈花渾未悟。鐘聲無奈苦相催。

丙申暮春應寶蓮寺智照大師之邀。同施憲夫。

李啓。梁隱龕諸君及少峰登大嶼山昂平吟

易少蘭

十里東涌徑。溪流漱石根。巖巉驚鳥道。失喜見山門。

其二

漸入靈山境。花深鳥語春。鳳凰峰咫尺。笑問過來人。

其三

剪燭論詩晚。烹茶試水清。祇緣幽興極。得句自題名。

春登大嶼山寶蓮寺禮佛承明慧大師相送下山賦此持贈

易少蘭

昂平雄秀島之西。玉宇高寒碧瓦齊。大澳霧濃連海濶。鳳凰峰峻覺天低。迷津指照聆三藏。歸路扶持授一藜。此日結緣成極樂。再來許借上方棲。

寄懷昂平寶蓮寺明慧大師

梁隱龕

半里鐘聲半角僧。一峯彌勒一龕燈。光生般若無邊界。人在華嚴第幾層。偶過虎溪招惠遠。還來鳳嶺笑孫登。空山月照禪心靜。島也新詩瘦未曾。

仲冬登法華塔卽景

智照

法華塔峙寺門西。向晚登臨望欲迷。幾片輕烟橫斷岸。二分新月照清溪。雲埋遠岫羣羊下。聲震長空一鶴歸。珍重奚囊好詩料。沉吟緩步語聲低。

登華嚴塔

智照

華嚴矗立鳳凰東。一柱擎天氣象雄。遠舶乘風穿巨浪。殘暉倒影掛高松。龕中淨供三尊佛。檻角喧騰幾口鐘。偶悟諸緣皆是幻。從知四大也成空。

山居除夕

智照

七載淹留歲又除。枯禪有味愛山居。寒將破衲裁雲補。饑借粗蔬當飯茹。大事未明須學佛。餘生已晚獨愁予。遽然夢醒成今昔。悟到無常念自攄。

送筏可和尚赴檀香山弘法七截八首

明慧

香海嶼山隆道場。刹竿豎起不尋常。萬千四衆皈依處。主席誰膺戒定香。

其二

領袖沙門三十年。周遭殿閣毘雲連。供僧千指無難色。贏得宗風海外傳。

其三

中華佛會聘書來。求法殷殷許善哉。一領袈裟飛錫去。布毛侍者樂追陪。

其四

杖履聞駐檀香山。似是慈雲降世間。此日人天爭供養。淨瓶踢倒也爲閑。

其五

彼邦文物最文明。豐德豐於舍衛城。三叩鐘聲登講座。圓音演說解眞乘。

其六

輕舒慧眼鑑羣機。隨順衆生歡喜時。幾許慕名求墨寶。揮毫寫出張遷碑。

其七

如海深心轉巨輪。菩提像教應時新。重重法界原無碍。外護陳公第一人。

其八

時節因緣豈可忘。不離文字託篇章。謹將法句伽陀頌。奉與吾師無量光。

和梁隱龔居士步栴堂禪師山居詩四十首原韵

明 慧

大法東來照炬藜。有爲畢竟卽無爲。欲除妄想徒增病。趣向眞如便是疵。花木禪房山裏靜。荆榛外道路頭岐。道家不解生滅法。堪笑仙人服紫芝。

其二

面壁九年少室棲。一花五葉發曹溪。無心豈問風幡動。放眼當知物我齊。幾許傢俬分散後。那爭隻履去歸西。休瞞耳目欺天下。偷過禪關唱假雞。

其三

淨土觀經觀日斜。瑠璃世界十方誇。劫經八萬身猶鷁。瞋習多生毒作蛇。不用三祇修慧業。自然九品證蓮花。花開自性彌陀現。海印發光燦錦霞。

其四

下死工夫求悟道。入門法法必須疑。香嚴擊竹一何速。長慶捲簾再已遲。寶藏大開無不具。衣珠明示在於斯。參禪念佛多方便。吃緊疑情我是誰。

其五

百川歸納大海流。不到波羅誓不休。古廟香爐去自在。閻王票據出誰鈎。任教富貴誇金谷。縱使詩書勝鄴侯。善惡多般隨業轉。皆由一念繫心頭。

其六

因緣和合生諸法。萬法皆空立假名。晚課循聲持半偈。曉鐘殘夢滿三城。二時粥飯隨緣過。一盞山茶掃葉烹。無相修禪惟行直。居家持戒在心平。

其七

竹杖芒鞋尋劍客。百域烟水歷嶒嶒。秋風夢裏懷明月。春暖枝頭解結冰。五衆苑中栖野鹿。四禪天外任飛鵬。靈雲自見桃花後。露出鋒芒霜氣稜。

其八

智度善權爲父母。天魔外道衆塵勞。菩提無樹空諸相。世界轉輸入一毛。十法交參凡聖混。六根亂動鬼神號。行於非道通佛道。第一峯頭是妙高。

其九

固然渡海須用筏。到岸更需筏奚爲。法爲執除施對治。藥因病用處方醫。捨身無我欣飼虎。防意侵人忍縮龜。煩惱菩提原不二。誰知戒定卽瞋痴。

其十

維摩示病不思議。祇爲衆生多病憂。白牯驚奴千百劫。紅魚青磬幾生修。捕鯽打彈憐黃雀。逐鵲居巢笑拙鳩。能變聲聞無我相。散花天女說風流。

十一

面上無瞋眞供養。金剛功德豈能量。三尊妙相菩提座。五分法身戒定香。翠竹青青原吸露。黃花鬱鬱自

欺霜。意中且把梅花嗅。春色無邊正向陽。

十二

禪關重破尙隔重。祇見簷花吐欲紅。聽雁雲中聲裂帛。疑蛇杯內影搖弓。任教翳目成千幻。不動須彌吹八風。末後剎那超象外。四維南北與西東。

十三

與君同是有緣人。禮佛添香法界熏。人事滄桑多變幻。世情今古亟紛紜。親如鴿鳴難相顧。愛若鸞凰也失羣。先把淨心求淨土。是真行脚拜慈雲。

十四

天台金色界清涼。華藏莊嚴列上房。獅子頻呻吼未已。象王回顧蹴何狂。六千乞士十心滿。五衆高人一性忘。無礙重重理事在。迴光返照對斜陽。

十五

寶樹華林彌勒栽。龍華三會記徘徊。鷲頭嶺上花猶在。鷄足山中僧再來。百衲袈裟傳佛印。四王石鉢養禪胎。正像末法因緣事。五百年來信劫灰。

十六

靈光獨耀脫根塵。選佛場中有宿因。體露眞常誰作主。心空及第過來人。蓮花歷劫時而現。貝葉翻經日又新。塵塵刹刹皆般若。應無所住了無垠。

十七

爲實施權方便門。開權顯實歷晨昏。一乘貝葉談眞諦。七卷蓮華示佛源。旣處化城離火宅。更趨寶所覓金丸。正觀無二歸元路。花滿庭階月滿軒。

八

此心既不著心求。何計教坊與酒樓。四攝度生宜具足。三輪說法認從頭。能遊窟內眞獅子。自御車前大白牛。空假中觀眞俗諦。背塵合覺聖賢流。

十九

爐香寶篆結祥烟。一會靈山尙儼然。象國契經應壽世。雞園歷劫已忘年。名山占得留朝代。彼岸同登渡海淵。無礙粟中藏世界。火坑深處有青蓮。

二十

四生六道俱輪迴。說到無常世所哀。徒過此生登鬼錄。何如托質入蓮胎。功名傀儡埋塵土。寒食坵墳奠酒杯。雖得人身如幻夢。迷時師度悟黃梅。

廿一

佛制沙門宿樹下。山巔底事蓋茆茨。五陰非有猶嫌累。四大本空何足悲。十二因緣終老死。三千世界亦摧危。人天福報非吾願。惟有光陰不可期。

廿二

古稀念佛吟居易。秋興遊人感杜陵。悟得因緣空自性。儻來名利豈能繩。辯才語錄成糟粕。知解禪機也葛籐。一樹木樨香聞否。問誰透出愛和憎。

廿三

青山不老爲誰留。榮辱悲歡合自求。鳥倦還時知落日。龍鍾到處見橫秋。前塵過去鴛江水。幻境依稀蜃海樓。太息明珠虛一擲。林間彈雀笑隋侯。

廿四

斷臂神光單得髓。覓心何處將心安。四卷天竺楞伽記。三藏曹溪法寶壇。梵軸翻前馱白馬。經灰驗後棄黃冠。拈花微笑當年事。結集人天屬阿難。

廿五

頑石曾聞頭可點。本來頑石不能言。誰從五濁娑婆界。得悟三空解脫門。禪制毒龍垂跡象。定安意馬息

心猿。逢場作戲無生旨。法法何妨徹本源。

廿六

不兼雜樹梅檀林。南部金洲海岸沉。早有菩提明佛性。了無色相發禪心。露珠滴瀝行衣潤。水月清華照地陰。自涉江湖風浪後。空山不見白雲深。

廿七

三千煩惱剛刀盡。畢竟袈裟勝錦袍。已忘生死塵了了。誰留業識浪滔滔。因指見月深深認。轉識成智位位高。悲智雙運龍天護。春風十里發紅桃。

廿八

先照高山譬始陽。龍宮華藏號經王。誦來貝葉三千部。及至曹溪一句亡。鼻向撩天雙孔仰。眉低拖地白毫長。幾回珍重當頭棒。大喝聲聲徧體涼。

廿九

傳燈五會原成古。慧命如絲續尙存。豈有斬貓爲佛事。幸毋以蠡測禪源。花開座上啣青鳥。桃熟山中獻白猿。正法昌明雖已矣。宗風大展待誰論。

三十

丹霞燒佛木生烟。取暖堂中布草毡。巍峨絕頂浮屠塔。冷冽寒清卓錫泉。茶味問真前後試。蒲團坐破古今傳。請看嶺上松蘿月。照讀殘碑不記年。

卅一

俯瞰神洲歎陸沉。無邊煩惱自侵尋。多生結習如岩石。一念迴光滿地金。籬外黃花留晚節。叢中綠竹解虛心。五天西竺尼河上。遺教空留鶴樹林。

卅二

穿衣吃飯尋常事。豈計搬柴踏碓春。雲裏錫飛看解虎。堂前鉢落咒降龍。吟風落月幽房竹。對境高山絕壑松。聞道寒山蕭寺夜。客船誰送幾聲鐘。

卅三

破衲郎當且久安。擎拳豎拂有何干。鏡中已見頭絲換。杯下空教淚酒乾。流水行雲隨步易。焚香掃葉會心難。嫦娥也解知人意。夜夜牀前對影寒。

卅四

江湖浪跡成前夢。萬縷牽纏一念消。山花未落如相待。海客頻來不費招。古木蒼葱迷野徑。飛烟隱約隔溪橋。莫忘認取來時路。免向山中問老樵。

卅五

暮春三月杜鵑啼。歸去聲聲落日低。東土却嫌耽歲月。西天不礙隔雲泥。奈何木石心先死。惟有薰蕕器不齊。我欲乘風無住處。松間明月照清溪。

卅六

披緇薙髮出三途。那個男兒是丈夫。尙有鉗錘分金鐵。已無沙汰別賢愚。風清鸚鵡唱庭前柏。日暖礁生海底瑚。東壁畫工傳畫意。楞伽變相睽摩圖。

卅七

曇花一現眞如幻。生死此身安足論。白骨撐天傷戰國。黃金滿地布祇園。初心逕入三摩地。九界皈依兩足尊。四大雖空留慧劍。休教魔外賊兒孫。

卅八

羅漢已經梵行立。更無來去在人間。六通修自三無漏。八正超於五不還。已盡此生離苦海。常隨佛學侍靈山。大乘擔荷如來務。著了袈裟豈是閒。

卅九

我亦多生識字僧。也曾負笈以題名。既知生死爲何事。豈把虛名誤此生。獅子林中無盡意。龍華會上最

多情與君細指河沙界。萬境如如路坦平。

四十

老僧布衲忘冬夏。數十年來對日暉。喜入法門如是住。欣遊教海自知歸。青山有幸尋杯渡。雲水常存解錫飛。分外不加毫末事。尙留餘線補袈衣。

（勘誤）第二十七面第七行第卅五字下加「隱」字
第六十五面第九行第廿一字下加「林」字